



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

12. Cur Deus suam homini similitudine[m] impresserit?

**urn:nbn:de:hbz:466:1-45686**

naturalem, ac humidum radicale, ea perfectione, quae in virilis aetatis statu esse solet, restaurare; conficitur, quotiescumque Adam fructu illo usus esset, corpus eius semper reflorescere, atque ita cum aeternum sine senio vivere potuisse; vel, si non in peccatum lapsus esset, donec Deo placuisset ipsum ad beatioram vitam in caelum transferre.

In tali non agro, sed horto, Creator hominem initio posuit, ubi neque labor, neque senium, neque morbus, neque mors, neque tedium ullum; sed omnia terrae bona sponte & abunde proveniebant; ubi passim oculis simulque; naribus adblandiebantur panace, nepenthes, amaracus, ambrosia, lotus, rosa, viola, hyacinthus, & Elysij campi. Atque in his quidem positi delicijs Adam & Eva nequaquam a fletu sunt auspicati vitam, sed protinus decorissimo mundi aspectu exhilarati suam felicitatem; & in hac ipsa quoque tam beata habitatione, quandam Numinis imaginem, Numinis, inquam, unde quaque beati, agnouerunt. Quamquam & alia Numinis imago homini est impressa, quam S. Bernardus etiam atque etiam monet intuendam, dum ait: *Intellige dignitatem tuam, nobilis creatura, quoniam non solum insignita es Dei imagine, verum etiam decorata similitudine.* Et iterum: *Quid maius his tibi facere potuit, quam ad similitudinem suam conderet factor tuum? Attende igitur diligenter prima conditionis tuae excellentiam, & veneranda Trinitatis imaginem in te ipsa agnosce.* Quin, ut doceat, quid sit ista Numinis & hominis vel imago, vel similitudo, addit: *Considera nobilitatem tuam, quod, sicut Deus ubique est totus, omnia vivificans, omnia movens & gubernans: & sicut Deus, est, vivit, & sapit; ita tu secundum modum tuum, es, vivis, & sapis: & sicut in Deo tres sunt personae, Pater, Filius, & Spiritus sanctus; sic tu habes tres vires, scilicet intellectum, memoriam, & voluntatem.*

Principes si rem quampiam vel saluam volunt, vel honoratam, insignia sua illi appendunt, sigillum imprimunt, ne violetur. Ita ex divina imagine homini a Deo impressa, intelligimus, quantum in eum divinae auctoritatis, dignitatis, maiestatis voluerit, derivare. Sua eum imagine insigniuit, ut ei caelum & terra servire, ut Angeli ministrare, ut bestiae obedire non dedignarentur, ut ipsi atri daemones nocere non auderent; denique similem eum

XI.

S. Bernard. de  
interna do-  
mo. cap. 67.

XII.

sibi

fibi fecit, vt eſſet, quem amaret, & à quo amaretur, cùm ſimilitudo ſit mater amoris. Igitur ſicut DEVS Euam Adæ ſociam creauit, quia nullum animal ſimile illi erat, cum quo ſocietatem, amicitiam, ac familiaritatem inire poſſet; ita, cùm, inter omnes corporeas creaturas, nulla eſſet DEO ſimilis, hominem ſibi ſimilem fecit, vt eius amicitia ac familiaritate gauderet, & quidem æternùm gauderet, nam & in hoc etiam ſuam, in homine, agnouit & amauit imaginem, quia fecit eum æternitatis, infinitatis, beatitudinis, & diuinitatis quodammodo capacem. Hinc etſi alias res omnes à ſe creatas approbaret (*vidit enim Deus cuncta, quæ fecerat, & erant valde bona*) de nulla tamen creatura corporea honorificentius locutus eſt, quàm de homine, de quo, per Salomonem, dixit: *Delicia mea eſſe cùm filijs hominum*; DEVM videlicet viciffim diligentium. Nam, ſi DEVS creatam imaginem ſuam tantopere amat, quantopere erit ab homine ipſum increatum prototypum redamandum? Si, ob diuinam hanc imaginem, ac ſummæ maiestatis participationem, hominem omnes creaturæ reuerentur, quid par erit honoris ab homine Creatori ſuo exhiberi? Nunquid & ipſe homo operam dare debet, vt dignitatem ſuam, excellentiæque laudem conſeruet, & venerandam Conditoris ſui imaginem non contamineſcat? atque pro pulcherrima DEI ſimilitudine, inducat foediſſimam ſimilitudinem diabolorum? Iterum verbis S. Bernardi hominem alloquor. *Intellige dignitatem tuam, nobilis creatura, quoniam non ſolum inſignita es Dei imagine, verùm etiam decorata ſimilitudine*; ſigillum hoc tibi appreſſit, vt te, contra omnium creaturarum inſultus muniret; imaginem ſuam tibi ita radicatus altèque inſculpiſſet, vt, ſalua tua ſubſtantia, ſignaculum hoc à te auferri non poſſit; quod, in Mineruæ clypeo, æmulari poſſit, Phidias, non imitari. Hoc ſigillum, hæc imago, iſtud ſignaculum te monet, cuius ſis Dominatoris. Ex inſcriptione, & imagine nummi, Chriſtus hanc ſententiam tulit: *Date Caſari, quæ Caſaris ſunt*; tu, ô homo, ex DEI imagine in te agnita, *Da Deo, quæ Dei ſunt*. Fur es, ſacrilegus es, ſi ei te ſubducis. Imago animæ tuæ inſcripta, dicit tibi, te non eſſe tui juris, ſed eſſe quid DEI proprium. *Da Deo, quod Dei eſt*. Creatura vèique eſt Creatoris; filius Patris, ſeruus Domini, miles Ducis. Similitudo te monet, cuius ſis. *Imagi-*

G-n. 1.

Prou. 8.

S. Bernard. de  
intern. do-  
mo. cap. 67.


Matth. 22. 21.

nam DEI geris, vt filius tui Patris, cui amorem debes ac pietatem. Hæc imago, hoc ſignaculum, honorificum eſt, vt ita dicā, ſigma, quo mancipium ſuum notauit: honorem igitur Domino tuo præſta; time eum, vt ſeruus, & omni ſtudio reuerere. Hæc imago ſignum & teſſera eſt tui Imperatoris, cui fidem, cui obedientiam, cui vitam debes. Ad extremum, ſicut vrbium conditores, in medio ciuitatis à ſe extructæ, imaginem ſuam, è marmore, vel ære factam ſolent ponere, vt omnibus eam aſpicientibus conſtet, quis fuerit ædificandæ vrbis author: ſic omnipotens ille Vniuerſi huius architectus, hominem, hoc eſt, imaginem ſuam, in medio mundi à ſe conditi collocauit, vt eam intuentes intelligerent, quiſnam ſit tanti operis fabricator, atque vel hinc diſcerent recto creaturarum vſu, ad principium ſuum, omnia reducere. Talem ergo DEVS hominem, talem homini terram, talem domum, talem ſupelleſtilem dedit. Neque opus eſt alio iudice, quando DEVS fert iudicium. Poſtquam hæc omnia condidit, vidit Deus cuncta, que fecerat, & erant valde bona. Quin neque ipſe primus homo quidquam vidit, quod non laudaret, & ad quod, non exclamaret: Domine Dominus noſter, quàm admirabile eſt nomen tuum in vniuerſa terra? Dominum vocauit, à quo ipſe in terris, dominus factus eſt vniuerſorum; nam quamdiu DEO ſeruiuit, cetera omnia illi quoque ſeruiunt. Poſtquam rebellis factus eſt, quid mirum, ſi ei etiam alia cœperunt rebellare?

Genef. 1. 31.  
Pſal. 8. 5.  
I.  
Pſal. 101. 35.

C A P V T XIII.

An, & , quò peccato, Terra, Planta, Beſtiæ, ante, & poſt peccatum Adami, ſubiectæ vel mutata, hominibus infeſtæ factæ ſint?

 Verere meritò aliquis poſſit, cur Propheta rex dicat: Initio tu Domine, terram fundaſti: & opera manuum tuarum ſunt celi? An non vtrumque initio fundauit? cur id non dicit de vtroque? Nimirum cælum ita manſit, ſicut fuit initio fundatum; terra autem mutauit faciem ſuam, aut mutaffe videri poteſt; poſtquam Adam exul à Paradifo eliminatus, terram mutauit. Initio, cum primus homo juſtus adhuc eſſet, DEVS terram,

